



斗秤須要公平不可輕出重入

箋註斗秤公平。交易之正道也。市儉之夫。好計步  
小便宜。自以爲輕出重入無妨。不知日以積月。  
以積月。有妨乎。無妨乎。在人不知不覺。其實欺心  
欺天。吁。人當重以爲戒矣。


陰陽文錄註

卷三

斗秤須要

育德堂





陰隲文像註

卷三

斗秤須要

二

育德堂

唐李珣。廣陵江陽人。父販糶爲業。年五十。父以老故。使珣主其事。人有糶者。卽授之升斗。令其自量。不計貴賤。每斗惟取息數文。以資父。毋涸泊無求。衣食自足。父謂之曰。貿易取利。人之常情。吾生平不易升斗。亦自以爲公矣。汝今任人自量。誠不可及。然則生計不賈。豈非黜助耶。珣年至八十餘。不改其業。適宰相李珣。出制淮南。珣以犯讒。改名寬。李相下車數月。夢入洞府。見樓閣連延。石壁光瑩。金牌首列李珣字。長尺餘。視之甚喜。有一童出石壁。珣問此何所。曰。華陽洞天。此姓名非相公。乃相公江陽部民也。珣待旦。徧

訪遇之詢以平日得何道術。列名仙府。寬辭不知。珏  
問再四。寬具以取糴對。珏嘆不已。寬壽百餘。卒三日。  
棺忽開。視之。蟬蛻矣。

陰騭文像註

卷三

子稱須要

三

育德堂





陰陽文像註

卷三

斗秤須要

四 育德堂

周氏婦信州人賢而有子翁令分理家政付與斗秤  
二。出入大小二樣婦不悅請辭問其故曰翁所爲大  
傷天理妾不敢順翁以逆天故辭翁曰汝言是今但  
用其一樣者婦曰未也問所用幾年矣翁曰約二十  
餘年婦曰今當以前所用出者用入前用入者用出  
以酬前日過取之數翁欣然許之後婦生三子皆少  
年登第

江山縣。祝大郎。富而不仁。其所用斛斗秤尺。大小不一。乾道八年。有道人過其門。戒之曰。汝宜用心平等。不可如是。倘怙惡不悛。必有來取此四物者。災不免矣。一夕夢三青衣來。言汝家秤尺斛斗安在。夢中與之。既覺急尋之。已失之矣。因憶道人語。災者火也。卽盡徙室中之物。藏於山中質庫。地忽逆裂。洪水湧出。如奔屋中。財帛隨流而下。所居頃刻爲潭。家人盡死。僅存一小兒。至今呼爲祝家潭。





奴僕待之寬。怒豈宜備責苛求。

箋註奴僕亦猶夫人也。但秉質多愚。賦性多懶。託事多錯。囑語多忘。求其當主人意者。百不得一。亦才陋識短。天限之然耳。間有能幹過人。可倚靠。可扶持。又每好縱飲。好貪賄。好專擅。好傲慢。求不令主人惡者。什不得一。亦命薄福淺。運使之然耳。惟待以寬恕。有小過。則曰彼乃偶誤。有大過。則曰彼原無知。應怒不怒。應責不責。迹若近於姑息。實爲子孫留其有餘也。若備責之。苛求之。不體其情。不恤其苦。逞威箠撻。則鷹鷂之性。豺狼之行也。斷斷陰騭文像註

卷三

奴僕待之

六 育德堂

不宜。昔人賣兒詩曰。養子如雛鳳。凶年值幾錢。慇懃當自愛。不似在娘邊。流盡眼中血。灑我身上衣。業緣如未斷。猶望夢魂歸。



陰鷲文像註

卷三

奴僕待之


七

育德堂

朱廷瓚湖廣人。凡奴僕痛苦。加意憐恤。有過失。正色呵叱。不肯輕加笞責。其友謂之曰。君並無主人威嚴。何太懦耶。瓚曰。凡居官者。奴僕害人實甚。少縱不可。若我輩不過富家翁耳。有何關係。而忍為猛烈。且富久而無善狀。不能不作回頭想。我惟恐再生罰為人役也。又恐子孫。為為人役也。友聞之。嘆曰。君存心如此。何憂後人不昌。後三子俱登仕籍。



陰騭文像註 卷三 奴僕待之 八 育德堂  
曹觀光。和州人。奴僕最多。搜尋過失。非罵卽打。其妻  
待女婢。任意作踐。聞者莫不以爲太刻。而傷天和也。  
閱二十年。忽遭賊劫。家道消滅。次子與人作廝役。孫  
女賣與人爲婢矣。



印造經文

箋註佛家道家俱有經文以傳世。無非勸醒迷人。改邪歸正耳。每見窮鄉僻邑之人。延請經文。甚無力焉。任其篇章殘缺。字跡模糊。猶復勉強誦保。無有漏句。悞字之愆乎。樂善君子。發願印造。隨處廣施。其功德與修行。何以異耶。

陰陽文像註

卷三

印造經文

九

育德堂





陰騭文像註

卷三

印造經文

十

育德堂

黃發枝順天人。家窮好施。一僧向彼募化金剛經十部。因無力。辭以待諸異日。後家道稍昌。不忘前願。隨印造二百卷。施於各廟中。後隣人失火。延燒殆及。火中忽有神厲聲曰。黃家施捨經文。斷不可犯。隨反風滅火。安然無恙。



陰騭文像註

卷三

印造經文

士音德堂

國朝程嘉猷。太谷縣人。刻感應篇。文昌化書。二官經。關聖賢經。觀音經。金剛經。諸經。雖已刻成。尚未印送。於人。忽染傷寒病。二十餘日。五日五夜。不食一米。惟飲一水。服藥無效。正危急之際。室人吳氏。伺子虔禱於家中。觀音大士。關聖賢。文昌帝君像前。一夕夢觀音大士。降雲端中。光明朗耀。諭曰。汝年四十一。陽壽已盡。因汝自幼虔奉。刻太上感應篇。文昌化書。及諸經。雖刻完。亦未印送。今放汝回。速急印送。廣為流通。忽醒。於是服藥甚效。月餘病愈。



創修寺院

箋註創與修有別。創者本無而自我創始也。修者已壞而自我脩整也。世人多不敢輕發此念。恐工程難就。致已受累耳。否則恐衆口難調。疑已取利耳。不知從來做好事多魔。如果容易。人人會作。何待於我。惟越難越有功德。又遑恤工程之浩大。衆口之紛紜也哉。

陰騭文像註

卷三


創修寺院

三一育德堂



常滋襄陽府人。平素敬奉皂君。每飭妻子曰。惟皂與人最親。易於得罪。須虔事之。又約村人。創建一皂君廟。香火甚盛。一夕山水陡發。波濤洶湧而來。村外見一白帽人。向水中擺手。水轉流奔去。伊時問白帽人爲誰。應聲答曰。與爾同屋。非爾親屬。昔附火中。今消水劫。言訖不見。有善解者曰。白帽。皂字形也。四語。皂神義也。次日探諸村。皆湮沒。獨此村無恙。乃知皂君救此一方人矣。





陰陽文像註

卷三

創修寺院

西

育德堂

陳益修濟寧州人城內有關夫子廟廟後爲回教清真寺崇禎癸未秋八月益修方爲諸生釀貲重新關廟回教楊生花等計奪廟拓寺糾黨數百訟於官指重修爲新建益修義形於色率兄弟諸友訴之官令速蓋楊患之夜持三百金餽陳陳正色拒絕計無復施遂起害陳之心矣時交郡新破冬十月生花等乘變糾黨百餘截陳交撻之斃其鬚蝻其口劈其面體無完膚其一曰是目尚存去日成廢人終莫予毒遂剝雙睛擲於河其一曰未也鹽以灰其一曰拽歸陳家卽死猶疑案也仍謀預買警者詐稱劉回回誘至

陳家撲殺之。指陳實殺磬。欲盡滅陳氏。陳家先避得  
免。然室貲抄掠盡矣。陳且斃。家人擡置炕上。灌以湯  
夜半忽甦。見一大人。綠衣金繡。持卮酒曰。毋畏我。來  
救子。飲此酒不死。強飲之。咽下喀喀有聲。神少定。傍  
一人藍衣唐巾。飄若仙流。曰。吾來醫子。腦中皆死血。  
傾出方可活。遂擊腦後。雙目噴血如注。而頭痛止。曰。  
是尚無目。綠衣者曰。隣家籬內有羣羊。可取眼與之。  
卽命從人剝羊眼二枚。捧至。納入陳眼眶中。陳雙目  
忽明。瞻視如初。州里詫異。楊亦驚服。謝罪。請自埋磬  
者。陳置之不較也。明年甲申。生花等以亂故弄兵。一  
陰隲文像註 卷三 創修寺院 立 育德堂  
族十三人。俱戮於市。剝眼剖心。碎屍田計。陳被害時  
八閏月耳。乙酉。陳售於鄉。關夫子先語之。夢未幾。或  
投之書曰。東畔方生耳。草頭八血全。一夕三人卧。門  
內隱八天。老翁成羽化。黑犬右人牽。耳邊絃亂墜。不  
斗永相連。書投其人。忽失所在。閱書後解曰。陳益修  
關公默佑聯科。丙戌登第。有順天王子發。作傳記以  
垂世。



捨藥材以拯疾苦

箋註疾苦非藥莫解方其輾轉牀褥恨不一藥而愈但無力可辦遂令終年累月纏綿不起以致轉成痼疾殘疾者不知凡幾矣仁者之人製就咀片和就丸散覘其疾苦之緩急而捨之不吝則所費無多而所濟無窮矣。

陰陽文像註

卷三

捨藥材以

去

育德堂



陰陽文像註

卷三

採藥材以

七

育德堂

金穰縣王叟。以醫爲生。病家請卽去。不以僮僕自隨。夏日再三往。不以爲倦。貧人不索錢。治藥最謹。泡洗稍不如法。不以與人。自少至老。不啻。後叟年八十一。媪八十。子四人。孫二十餘人。曾孫亦娶婦。自叟至曾。曾三十六房。夫婦皆結髮。



陰陽文像註

卷三

捨藥材以

大

育德堂



許叔微嘗以登科爲禱。夢神告之曰。汝欲登科。須憑陰德。叔微念家貧無力。惟醫可爲。於是專精醫學。久而通妙。人無高下。皆急赴之。所活愈多。聲名益著。復夢神授偈曰。藥有陰功。陳婁間處堂。上呼盧。喝六作五。是年中第六名進士。因第五名者死。收升第五。上則陳祖言。下則婁材。方知前夢不妄。



陰騭文像註

卷一

拾藥材以


九

育德堂

許之鼎。江寧府人。拜老醫學業。一日欲立招牌行道。其師謂之曰。汝醫未精。恐致害人。鼎不聽。後治病。凡有請者。故作身分。延之。再四方到。且診脈疎忽。用藥不慎。多令人瀕於危。纏綿無已。仍責備藥資。厚薄。恬不爲恥。其師責之曰。庸醫殺人。陰譴難逃。我雖未見。汝殺人。然嘗指勸病家。孰悞病症。恐有天殃也。鼎曰。似我行醫者甚多。何至有罪。未半月。有大盜入室。網鼎。用火烙左臂。燒成焦肉。號呼數日而死。



易州胡外科。凡治瘡毒。必打聽人之家業。其家稍溫飽。卽視爲奇貨。先將瘡弄壞。待其疼痛難忍。預講重謝。方與整治。不則。任其叫號。故意回去不來。將謝禮到手。然後炮製膏藥丸散。每療一瘡。必耽延半年一載。始代爲收口。緣此致富。識者知其設心不良。必有惡報。後溺於酒。吐血死。一子亦癆。妻盡。帶家貲嫁人。一時燈消火滅矣。



此茶水以解渴煩

箋註渴者之望飲與饑者之望食同一苦耳方其  
喉內如烟心內如火若不遇茶水解之則五臟受  
傷變而爲重病者有焉每見通衢大路好善君子  
架木爲椽列甃爲坐號曰捨茶棚而往來行人避  
寒暑者躲風雨者息勞倦者皆陰受其福厥功亦  
大矣哉

陰陽文像註

卷二

施茶水以

三

育德堂





喬凌雲遼陽人年二十八足痠不能行家居嫌悶於  
大路上建捨茶棚坐卧其間指人料理如是者念年  
過一道人喫茶自言善針一針卽愈欲延引至家中  
酬謝道人拱手曰爾捨茶有功不針亦當愈言訖卽  
去追之不及

陰陽文像註

卷三

施茶水以

三 育德堂

平希漢。山東人。村十里外。有老僧捨茶。茶缺卽停。化出再捨。漢曰。汝不必募化。無茶卽來尋我。供給十餘年不輟。後僧死。漢又請人代捨。一夕見老僧從門外入。直穿堂進後去。正詫異間。有老嫗叩頭曰。主母產一公子矣。漢知爲老僧所變。長教讀書。年十七登第。





或買物而放生

箋註物皆貪生怕死。一旦入於毒手。鬻於市中。難免斷喉剝殼。剖腹剜心之慘。買而放之。是物已在劫中。而我脫其難也。在我不過稍解囊橐之費。稍減盤餐之味。而物類從死逃生。含胎育子。上帝以好生爲心。仁人以不忍爲念。人能仰體而果行也。陰騭正自不細。

### 蓮池大師放生文

蓋聞世間至重者生命。天下最慘者殺傷。是故逢

擒則奔。蟻虱猶知避死。將雨而徙。螻蟻尚且貪生。

陰騭文像註

卷三

或買物而

活

育德堂

何乃網於山罟於淵。多方掩取。曲而釣。直而矢。百計搜羅。使其膽落魂飛。毋離子散。或囚籠檻。則如

處囹圄。或被刀砧。則同臨剛戮。憐兒之鹿。砥瘡痕

而寸斷柔腸。畏死之猿。望弓影而雙垂悲泪。恃我強而凌彼弱。理恐非宜。食他肉而補己身。心將安

忍。由是昊天垂憫。古聖行仁。解網著於成湯。畜魚

興於子產。聖哉流水。潤枯槁以囊泉。悲矣釋迦。代

危亡而割肉。天台智者。鑿放生之池。大樹仙人。護

棲身之鳥。贖鱗虫而得度。壽禪師之遺愛。猶存。救


龍子而傳左。孫真人之慈風。未狃。一活蟻也。沙彌

易短命爲長年。書生易卑名爲上第。一放龜也。毛  
寶以臨危而脫難。孔愉以微職而封侯。屈師縱鯉  
於元村。壽增一紀。隋侯濟蛇於齊野。珠報千金。拯  
已溺之蠅。酒匠之死刑免矣。捨將烹之鶩。廚婢之  
篤疾瘳焉。質死命於屠家。張提刑魂超天界。易餘  
生於釣艇。李景文毒解丹砂。孫良嗣解繒繳之危  
卜葬而羽蟲交助。潘縣令設江湖之禁。去任而水  
族悲號。信老免愚民之牲。祥符甘雨。曹溪守獵人  
之網道。播神州雀解啣環報恩。狐能臨井授術。乃  
至殘軀得命。垂白壁以聞經。難地求生。現黃衣而  
入夢。施皆有報。事匪無徵。載在簡編。昭乎耳目。普  
願隨所見物。發慈悲心。捐不慳財。行方便事。或恩  
周多命。則大積陰功。若惠及一蟲。亦何非善事。多  
祉萃於今生。餘慶及乎他世。



鎮江衛左所軍士范某妻患瘵疾瀕死遇道人與之藥云用雀百頭以藥米飼之至三七日取其腦服之當差然一雀莫滅也范如教買雀養之有死者則旋買之以克數未旬日范以公差出妻觀雀嘆曰以吾一人殘物命至百甚不仁也吾寧死安忍爲此乃開籠放之夫歸怒責其妻亦不悔已而病愈初久不產育是年忽有娠生一男男兩臂上各有黑痣如雀形一飛一俯而啄羽毛分明不減刻畫





陰陽文像註

卷三

或買物而

毛

育德堂

萬歷癸卯夏會稽陶石梁張芝亭同過大善寺見鱘魚萬頭石梁謂芝亭曰我欲買此放生奈力弱兄爲倡募衆成之何如芝亭曰諾遂先出銀一兩衆湊成八兩買訖遠城放之秋石梁夢神告云汝未該中緣放生功大得占一科石梁秘而不語放榜果中乃笑曰有是哉衆詰之始言其事且曰爾時我雖發意實賴芝亭贊成奈何功德獨歸於我數日南京錄至芝

亭亦中




陰陽文像註

卷三

或買物而

天 育德堂

李冲元將破一魚。先夢一皂衣嫗者曰。妾腹中有五  
千子。妾生五千子亦生。妾死五千子亦死。敢望哀憐  
特貸一命。元遂放之。立意戒殺。後於水際得珠。遂致  
大富。



或持齋而戒殺

〔箋〕註齋而曰持。凡以言其敬耳。而茹素不茹葷。又持齋第一關鍵。但茹素實難。世人不能勉其所難。則莫如戒殺。物之靈蠢大小。皆各有命。原無害於人。無仇於人。何故殺之哉。每見殺生之火。最能飾非拒諫。勸之。則曰。彼原可殺之物也。否則曰。今雖不殺。終亦不免於死也。嗟嗟。爲一餐之享。一羹之用。而宰之割之。烹之煮之。煎之炒之。能忍下咽乎。仁人君子。無善不行。而於此尤痛戒焉。黃魯直頌曰。我肉衆生肉。名殊體不殊。原同一種性。只是陰陽文像註。卷三。或持齋而。无。育德堂。別形軀。苦惱從他受。其肥爲我須。莫教閻老斷。自揣看何如。

蓮池大師戒殺文

人人愛命。物物貪生。何得殺彼形軀。克己。食。或利刃剖腹。或尖刀刺心。或剥皮刮鱗。或斷喉劈鼓。或滾湯活煮。或驚鱗。或鹽酒生醢。或蝦蟹。可憐太痛。莫伸。極苦難忍。造此彌天惡業。結成萬世深讐。一旦無常。卽墮地獄。鑊湯爐炭。劍樹刀山。受罪畢時。仍作畜類。冤冤對報。命命填還。還畢爲人。或病命夭。或死蛇虎。或死刀兵。或死刑囚。或死毒病。皆殺生



所感也。我今泣血稽顙，哀告世人。未敢相強持齋。且先奉勸戒殺。勿爲自身特殺。勿宴客殺。勿家無故殺。勿食聞聲殺。勿食見形殺。以至蜂蟻蛇蝮之類。或無害於己。勿一切妄殺。戒殺之家。福報種種。難可具陳。若更能隨力放生。遇物買救。不論微形細命。但能脫死全生。或向念佛數聲。爲之加持化度。此種功德。更是難量。現前速獲富貴壽考之休臨。終併得淨土往生之報。斯言不謬。勉而行之。

文曰：堪嗟人心如鐵，終日殺生造業。他身養你自身。心土如何忍得爲人。若遭疾病，便去殺生造業。

陰騭文像註

卷三

或持齋而

三

育德堂

你願身體平安。他豈該數在劫。爹娘愛惜嬌兒多。將生靈損折。你子求命延長。他命不留一刻。父母生辰之日。宰殺豬羊等物。願親長命長生。他就該死該滅。飛禽鷹雀等鳥。走獸虎狼一切。世間只有人狠。射箭捕網打獵。水類田雞螺螄。黃鱔烏魚。鱖鱉。分明不害於人。何苦將他命絕。咬牙恨齒一刀。登時流下鮮血。燒起一鍋滾水。毛衣退得淨潔。開腸破肚剜心。將他渾身碎切。鍋中烹煮煎燒。五味調和美舌。喫下咽喉三寸。借問有何清弊。忽然大限來到。一切珍饈拋撇。及至閻王殿前。但見許大

冤業。前面拖拖扯扯。後頭推推拽拽。個個討命冤家。不繇悲悲切切。渾身戰戰兢兢。心中怛怛怯怯。判官來遞冊簿。應當還他罪業。閻君鐵面無情。銅錘打徹骨血。滾湯萬死千生。刀山千槍萬割。油煎鋸解火燒。又灌滾銅熱鐵。受盡地獄諸苦。再等閻君發帖。改頭換面出來。戴角披毛轉劫。生被刀鎗剝斬死遭湯火烹烈。又等別人嚼他。還他殺生罪業。變盡牛馬豬羊。生在蠻貊之國。身無蔽體衣裳。口無克饑穀麥。要喫美口茶飯。不知何年何月。歷盡諸般苦楚。方轉天堂佛國。巴得一個人身。還有陰騭文像註

卷三


或持齋而

三

育德堂

許多罪業。不時生癬生瘡。晝夜瀼濃瀼血。不知禮義網常。不曉東西南北。更遭短命凶亡。皆爲殺心不絕。信心皈依三寶。常遇高僧傳說。聽得一言半語。仗此佛法功德。誠意精持五戒。發願脩行懇切。話頭一念純真。彌勒親來迎接。往生淨土西方。免在人間造業。





陰騭文像註

卷三

或持齋而

至 育德堂

吳林華。武昌庠生。妻余氏。持齋甚潔。華厭之。每詆其妻曰。心好何用茹素。卽茹素亦不過積口福耳。與其來生享福。曷如今生享現在乎。後妻病死七日。魂至家中。語華曰。吾前世有夙孽。罰兩世作女身。冥王嘉我持齋。歲久且虔。俾令轉女爲男。作貴人矣。汝應有科第。緣恣意喫葷。凡親友爲汝殺生。見之從不勸阻。罪歸汝。祿已削盡。今秋命終矣。一時守喪親戚。併僕婦。無不駭然。華大恐。卽許願喫長齋。凡遇殺生之家。苦心開導。率多從之。至秋病危。旋愈。閱十年。竟中式。

享壽七十而卒。



陰騭文像註

卷三


或持齋而

章

育德堂

孟兆祥少多病。夢神語曰。戒殺生。卽當愈。孟曰。吾家無故不殺生。但遇宴會祭神。暫殺似不爲過。神曰。汝未總算細數耳。呼左右取簿來。上開載所殺數目。一分明。曰。人之作孽。獨此爲甚。孟遂發願。終身不殺。并刊布勸人。病卽全愈。





樓閣文像註

卷三

戒持齋而

三

育德堂

江浩山東富戶。俗好殺犬。浩雖未殺。買食不忌。年逾五旬無嗣。向各寺廟。許願求子。夜夢神告之曰。冥中聞人食犬。卽惡其不義。諸樣示罰。畧無憫意。汝不忌此。許願何益耶。浩醒後。向妻言。誓不食犬。且將此語。徧戒鄉人。次年卽生一子。浩益勉力。凡殺犬十餘家。請至。各與贖本。令其改業。費不逾百金。又生一子。長成。俱登鄉薦。

舉步常看蟲蟻

箋註蟲蟻之行於地也。一堆一團。人皆知惜。獨是三三兩兩。人忽不經意。因而躑死者不少矣。獨不思一步而傷數命。日積月累。其造業爲何如耶。故必留心看之。不使誤戕其生。則惻然不忍之心。可謂無時無處而不存矣。

陰陽文像註

卷三

舉步常看

三


育德堂



金華寺。有柏數株。忽生毛虫。色黃而長。近二寸。蠶食  
枝葉。莫知紀極。寺僧秀榮惡之。悉命掃除埋瘞。或棄  
於柴積。其徒秀仁。又取柴積。晒於日中。俟虫死。方以  
供爨。數年秀榮卒。時寺內別有一僧。亦卒。旣而得還。  
語秀仁曰。某到陰司。見秀榮荷鐵枷。坐烈日中。有萬  
萬毛虫。緣遶啣噬。苦不可忍。秀仁聞而大懼。不數日。  
亦發背而卒。



軒友竹



陰騰文像註

卷二

曠步常看

三

育德堂

大慈寺僧脩準。新開一軒。四面皆竹。欄檻上多有蟻子緣。達脩準怒。立伐其竹。盡取蟻子。棄於火中。未幾忽患癬瘡。頭面尤甚。命醫視之。醫曰。此名蟻漏瘡。不可療。遂卒。



禁火莫燒山林

箋註山林爲虎狼所居。火焚亦足以除民害。但火一起。延燒必不能遏。凡鳥獸蟲蟻。不知坑死幾千萬也。惟禁之。而物命藉以保生矣。功不在解網下。

陰騭文像註

卷三

禁火莫燒

三

育德堂



陰隲文像註


卷三

禁火奠燒

吳 育德堂

李恂。山東進士。爲浙江令。一夕請呂祖降筆。問明日  
有何事。其乩詞曰。日光未出滿天紅。震地災臨百室  
空。莫怪南陽人脫難。陰功全在鐵爐中。次早東街大  
火。延燒百餘戶。居中有許家獨免。恂思東街震地也。  
南陽許姓也。傳來問彼有何鐵爐。能積陰功。許對曰。  
每墳前燒紙。盛鐵爐內。不在地上。春秋恐昆虫燒死。  
冬月恐螿虫炕死。行之甫十年。不謂神見佑也。恂嘆  
獎之。後邑人燒紙。皆知用爐。無復有燃火在地者。





陰陽文像註

卷三

蘇大莫燒

罕

育德堂

耿常。青州人。有癱症。無子。秋杪。坐車往本莊養病。佃戶請其看野燒。以散悶。兼云。草灰入地。土脈壯。常力阻之。一夕夢其父曰。爾癱病當愈。勸阻野燒一事。蟲蟻全活多矣。後遇良醫。熬虎骨膏。服之愈。復生一子。以承宗祧焉。

點夜燈以照人行

箋註黑夜無光。不辨坑凹泥水。行人多苦况焉。爲之點夜燈。則放膽前行矣。所以點燈之家。應有眼明之報。爲其心不欲人陷於黑暗也。經云。人點夜燈。上帝視之。其光如電。故人遂名爲天燈。又云。癘疫流行。不入夜燈之室。以其普照人行耳。費小功大。其勉而行諸。

陰陽文像註

卷三

點夜燈以

聖

育德堂



陰騭文像註 卷三  
 王之佐，大興人，家住泡子河門前，有深溝一帶，每至春三月淘溝時，佐插小燈籠數十處，行人無復有墜落者。生子二人，一中文舉，一中武進士。

點上夜燈以

望 育德堂





陰陽文像註

卷三

點夜燈以

聖

育德堂

馬大駿廣平府庠生三世眼近視至駿尤甚一道人勸以長供天燈可佑目力駿虔供之又於各廟宇逢朔望徧捨油燈十餘年不倦嗣後目光炯炯頓改近視門風矣。



造河船以濟人渡

箋註濟渡在大人爲偏小之事。所謂惠而不知爲政者也。然士庶人能於不便之處。力行方便之舉。此一念能格上蒼。與功及萬姓者同。况江浦巨津。有不可以橋梁通者。則爲政者。亦不可以偏小視之。小則免入厲涉之苦。大則除人飄沒之患。此方便中最利益者。有力獨造。無力共造。福其未可量乎。

陰騭文像註

卷三

造河船以

罌 育德堂

劉鬍子。山西人。貿易真定間。過滹沱河。見船小人多。擁擠不開。捨造大船一隻。價值百金。後攜千金回家。路遇盜。問曰。爾非捨船於滹沱者歟。答曰。何知之。曰。今早林間有人曰。前路劉鬍子捨船功大。劫之罪不小。言訖不見。今見爾長鬚。是以知之。劉得免於難焉。





勿登山而網禽鳥

箋註禽鳥之在山也。啄清泉。不與人爭飲。餐草子。不與人爭食。占樹枝。不與人爭居。而忍網取焉。是人而不仁矣。諺語云。勸君莫打春天鳥。兒在巢中望母歸。句俚而悲。當參看以爲戒。

陰騭文像註

卷三

勿登山而

癸

育德堂



孟坦涿郡武進士。好遊俠。挾彈飛鷹。以爲樂。重陽入山登高。見鳥雀無數。近人不知驚避。坦取彈打落許多。餘鳥哀鳴散去。寺僧勸之不聽。到冬月。帶繩網。羅取數百。做京師賣鐵。脚製法。更炒下酒。竟以爲常。隔三四日便去一次。除夕前一日。又帶網上山。羅雀以卒歲。騎馬走嶺。突有羣鴉飛噪。掠馬頭而過。馬驚墜地。折其右腿。坦泣悔曰。吾網鳥之報也。竟成跛人。終身不能作宦。





勿臨水而毒魚蝦

箋註魚蝦生水中。並無觸犯人處。而人勾釣網捕。取而貨之。以致活活水煮。活活酒浸。活活刀割。活活鹽醃。造孽已重矣。况藥而毒之耶。毒之則一池盡死。不留遺類。慘乎不慘。吾願世人別求生理。勿造此彌天之罪也。

陰騭文像註

卷三

勿臨水而

哭

育德堂



陰騭文像註

卷三

勿臨水而

巽

育德堂

天湖居民皆以捕魚爲業。獨沈文寶家合家好善。凡  
隣人獲禽魚用錢買放。人皆笑之。沈獨喜行不倦。適  
時疫盛行。其隣人夢疫鬼執旗一束。自相語曰。除放  
生沈家外。挨家可盡插旗。由是居民數百家皆染疫。  
獨沈一家無恙。





陰陽文像註

卷三

勿臨水而

卒

育德堂

宜和間楊序。夢神告曰。子踰旬當死。能活億萬命。乃  
可免。序曰。大限已迫。物命有限。水易滿數。神曰。佛書  
云。魚子不經鹽漬。三年可活。子盍圖之。序大書神語  
於通衢。由是見人殺魚。即收子投之江中。月餘復夢  
神曰。億萬之數已滿。壽可延矣。既而年果九十。

勿宰耕牛

箋註畜類之最苦而有功者莫牛若矣用以郊天上帝所歆用以耕田下民所賴禮記曰諸侯無故不殺牛。雖君王猶不敢輕殺。矧凡民可殺而食之乎。徧觀古今載籍殺牛者顯報可駭。經云牢字從牛。獄字從犬。不食牛犬。牢獄可免。又云食之三日。神嗔鬼怒。戒之三日。名書金錄。永以為戒。子孫百福。

呂祖戒牛歌

君不見牛耕土。曳步前奔用力努。又不見日當午。

陰騭文像註

卷三

勿宰耕牛

五

育德堂

血汗通身涎沫吐。世間畜類多無如他報主。可恨貪財農。心狠如狼虎。見他筋力衰。賣與人烹煮。割

下頭。刮開肚。血塗鐘。皮鞭鼓。骨銼簪。肉作脯。當日

耕田難不難。今日粉身苦不苦。冤魂泣訴閻羅王。

閻羅悲憫不能語。但說宰牛夫。受罪在地府。或丟

劍樹叢。或擲刀山鳴。或灌滾銅汁。或烙紅鐵柱。求

劫不翻身。翻身世變汝。又有食牛人。不由人勸阻。

勸之起爭端。阻之笑迂腐。怕說牛有功。強說牛能

補。一任罪通天。不知何肺腑。豈知一食牛。立刻天

神怒。縱有好心腸。此條登惡簿。應註禍來侵。暗折



福無數。貧天逮兒孫。甚至滅門戶。吁嗟乎。牛代人  
耕。誰不覩。殺而食之。喪心伍。我今降乩。普告人。戒  
此方堪對佛祖。


陰騭文像註

卷二

勿宰耕牛

至

育德堂



陞陽文像註

卷三

勿宰耕牛

五

育德堂

姜徵山東人弱冠聯捷生子屢殤一夕病憤有人拘至冥府冥王責之曰汝家累世不食牛汝父尤好滷說食牛報應故賜汝少年登第也自汝中後僕役日衆率食牛汝雖不知罪應坐汝且汝鄉中人俱嗜食牛汝爲一鄉之望若輩素信汝言汝明知不屑瑣勸罪亦應坐汝子嗣壽緣今折盡矣徵求放回改過冥王許之徵醒後嚴禁僕役不許再食凡見鄉人便問食牛否食之卽懇其永戒甫依允隨揖謝之甚至叩首以堅其意鄉人號爲護牛伽藍後官至郡守生二子俱貴享壽七旬而卒。





陰陽文像註


卷三

勿率耕牛

畜

育德堂

某府司李忽暴卒。一夜復甦急請太守至床前曰。某昨爲陰司攝去。余乞命甚哀。冥主不許。旣而憫之。曰。汝能勸千人不食牛肉。則可再生。限爾三日。今求諸公。爲我徧勸百姓。以救我生。衆以爲妄語。佯諾之。不行。過三日。復報司李死矣。太守大驚。卽召僚屬立一簿於通衢。令願持戒者書姓名。一日得數千人。卽望空焚之。少頃報司李復生。太守徃問之。云。復被陰司攝去。冥主怒子負約。予正哀泣。忽見黃衣人。空中持一簿至。云。是勸戒食牛人姓名。冥主閱之。大喜。曰。不但再生。且延壽六紀。司李後年至百餘歲。



陰陽文像註

卷二

勿宰耕牛

五

育德堂

嘉靖初。胡憚爲福建方伯。延尚書林俊宴會。俊忽昏寐。良久方甦。語坐客曰。異哉。適召至一官府。主者乃吾宗尚書聰也。云。閻君卽宋范文正公。吾爲其屬。以爾昔爲縣官。不禁宰牛。減壽一紀。子曰。爲縣時。曾有禁宰牛榜在。聰令縣神錄其禁榜。果有之。仍代申奏。還其壽。座客皆驚。咸誓終身不食牛。後俊果十二年而終。



勿棄字紙

箋註字紙之當敬惜也。人亦知之。但忽焉不察。以致遺於道路。而踐踏焉。甚至落於坑廁。而污穢焉。皆棄之者之過耳。嗚呼。人不識字。有眼如盲矣。雖巨富奚益哉。每見貿易莊農家。溫飽有餘。詩書罔識。杳無文字之緣。難附士人之列。良可浩嘆。至若名門宦族。科甲頻興。書香不斷。由於敬字惜字之報居多也。然則字紙。顧可忽諸。

文昌帝君勸敬字紙文

士之隸吾籍者。皆從敬重字紙中來。如宋朝王沂公。其父見字紙遺墜。必掇拾。以香湯洗。燒之。一夕

陰騭文像註

卷三

勿棄字紙

癸

育德堂

夢宣聖拊其背曰。汝何敬重吾字紙之勤也。恨汝老矣。無可成就。他日當令曾參來汝家受生。顯大門戶。未幾。果生一男。遂命名曾。及狀元第。此事雖遠。可以爲証。余竊怪今世之人。名爲知書而不能惜書。視彼釋老之文。非特萬鈞之重。其於吾六經之字。有如鴻毛之輕。或以字紙而泥糊。或以楮屏。或以裹物。或以糊窻。踐踏脚底。或以拭穢。如此之類。不啻相倍蓰矣。何釋老之重。而吾道之輕耶。是

豈知三教本一。而欲強分別耶。况吾自有善惡二

可按察施行。以警不敬字紙之類。如平生苦學難  
寫。一旦場屋。或以失韻誤字。例爲有司所黜。終不  
能一挂名虎榜者。皆神奪其鑿。以示平日不敬字  
紙之果報也。諸生甘受此報。恬然不知覺。甚至於  
子孫之不識字。舉家因之而瞎者。遠則不足。以爲  
戒。姑以近者言之。且瀘州楊百行。坐經文而舉家  
害癩。昌郡鮮于坤。殘孟子而全家滅亡。果報昭昭。  
在人耳目。楊全善亦百行之後。埋字紙而五世登  
科。李子材。葬字紙而一身顯宦。既能顧惜。陰報豈  
無。昨因老君降生之辰。玉帝御太極之殿。修文郎  
陰陽文像註

卷三

勿棄字紙

卷

育德堂

顏公葛真人等。三上表而言此事。若能以字紙爲  
重。或埋之於土。或焚之於火。更相告諭。相率諸家  
始終不怠者。卽消災而降之福。若知而不敬者。卽  
奪其福而降之殃。玉帝旨下。專委吾徧行飛鸞。申

明此事。已曾于成都就西南道院降榜曉諭矣。又  
曾於滇中。降鸞曉諭印施。又今降於南安。普行戒  
諭。若見而知之。知而戒之。顧惜而敬重之。此卽諸  
生功名之梯級。而父母責望之門路矣。諸生一誠  
相感。而吾可不盡言。以救士風之頹。庶幾夫子之  
道。重於泰山。而六經之文。不致爲敝屣。此卽吾之



願望也。信所神者。誰爲我發。若世人見此示冊之  
文。卽當遞相告戒。使人人敬重字紙。則獲福無量。  
若揭而藏之。則殃流後代。可不畏哉。

陰騭文像註

卷三

勿棄字紙

五

育德堂



陰陽文像註

卷三

勿棄字紙

堯

育德堂

陳元善爲諸生時。典衣覓人。廣拾字紙。按斤酬價。每  
逢朔望焚燒。灰埋於土。念年如一日焉。後入場。卷已  
遺棄房官耳中。有人語曰。此敬惜字紙人也。宜細看。  
勿違天意。遂獲中。官至吏部郎中。



陸隴文像註

卷三

勿棄字紙

卒

育德堂


何思振文名藉藉。友人兩邀入惜字會。辭曰。我素敬字。何以會爲。其實。不過偶見片紙。隻字檢之。不甚欽重也。後入場四次。俱被貼出。蹉跎四旬外。悔曰。得無不入惜字會之罰歟。隨買竹篋百餘。凡書館中。科房中。付篋貯字紙。月終取焚。如是三年。入試竟完三場。聯中經魁。



勿謀人之財產

箋註財產在人。豈堪我謀耶。謀之者。或乘其孤。或乘其寡。或乘其危急而無告。或乘其愚懦而可欺。陽謀之。令其不敢不從。陰謀之。令其不知不覺。及財產到手。自以爲得計。不知虧欠他人。陰律甚嚴。大則永墮地獄。小則變畜償還。可不畏歟。古詩云。誰不愛多財。無奈屬人有。誰不願多產。無奈屬人守。人家豐足。積福來。如何弄心謀在手。橫要橫。霸勢難行。姑用好言作好友。故意放債將伊吞。故意假借將伊負。故意勾之貪賭博。故意引之迷花。陰陽文像註。卷二。勿謀人之。空。育德堂。酒。若輩狡謀各不同。諸如此類十八九。倩君清夜自思量。虧心致富焉能久。帝鑒懷曠發有時。後來惡報先知否。





陰騭文像註

卷三

勿謀人之

室

育德堂

明宋進朝。西安貢生。謁選入京。寓閻王廟左廊下。一夕閻王升殿朝社。潛視。見其妻舅。戴牛角跪曰。所謀某人財。某家產。俱已變牛償訖。王曰。汝亦有他善。宜復人身。吏又捧籍上。王檢閱。改色曰。汝白使某某錢。大小尚有四宗。速變畜還完。方有人身之望。其妻舅泣曰。勿爲牛可耳。王許之。押令披馬皮出殿去。朝心駭汗浹。回家延高僧超度。默告親族。無有不悚懼者。



陰騰文像註

卷二

勿謀人之

奎

育德堂

溫淑。山西舉人。誣使同窗許生銀五兩。要之支吾不  
與。許亦不復提起。後身死。許家產一黑驢駒。腹下有  
白毛。溫淑二字。許嘆息。其子聞知。訟於官。官令吏檢  
視。真溫淑二字。諭其子還銀。將驢駒牽去。驢雙泪交  
流。走至山嶺。投崖跌死。





陰陽文像註

卷三

勿謀人之

齒

育德堂

羅倫順天人無恒產好誘人子弟賭博就中取利以致人傾財蕩產弗顧也其姑夫勸伊勿墮此罪倫曰彼出自情願有何罪耶其姑夫曰雖彼不肖而爾設心不良罪復奚解未幾倫生一子成啞一女兩目忽瞽自知爲誘人賭博之報遂削髮爲僧甫半載生疽死。

勿妒人之技能

箋註技能者於世爲有用於人爲有益也。我薦揚之。不惟彼身得通。即需之者亦大受其利矣。此固方便之行。而實陰陽之事也。奈何妒之耶。況技能在人。遇合有命。遲速有時。終無埋沒之理。而我空妒之。究竟於彼無碍。則亦何益哉。

陰陽文像註

卷三

勿妒人之

奎

育德堂





陰陽文像註

卷三

勿妒人之

矣

育德堂

費經邦崇慶宦族年五十遭盜劫家業蕩然衣食不  
給一僧人問之曰公其有隱過乎曰吾平生見有技  
能者人贊揚而我厭聽或從中加一二貶語以致人  
不信服致彼窮且困也今受此罰懊悔無及矣

勿淫人之女妻

箋註女妻之在人。微嫌猶當避也。矧淫之耶。天道最惡淫。犯此則立干天怒矣。昔有人被攝陰司。酬述閻君殿上對曰。萬惡淫爲首。百行孝居先。淫之罪大矣哉。又陰律云。姦人妻者。得絕嗣報。姦人室女者。得子孫誨淫報。世人打破此關。遇色不動。則真人品。真德行矣。非聖賢孰能與於斯。

鍾離仙祖戒淫歌

誰家少艾顏如玉。鍾情故意迎人目。多少賢豪善檢束。到此開頭便失足。可憐失足欺幽獨。妄謂罪

陰騭文像註

卷三

勿淫人之

卷

育德堂

微猶可贖。豈知天將淫惡錄。載在簿中罰欲酷。折爾祖宗遺下福。削爾前生脩下錄。損爾悠悠好壽數。斬爾綿綿綿廣嗣。續罰之不已。令變畜。甚至永使隨水族。看此慘報我亦哭。嘆人何苦迷粉蠟。今懇世人聽忠告。好色來前避欲速。他女原非爾花燭。他妻原非爾眷屬。他女勾爾入他屋。爾莫從他暗相逐。他妻誘爾同他宿。爾莫與他私相熟。爾若魂銷無把握。但想一誤入地獄。爾若慾火難降伏。但想一犯遭真戮。想到此間身嚴棘。自覺心灰如槁

木。心如槁木。地無欲。神思竭之皆敬服。



明曹狀元龜防淫篇

語云。天道禍淫。何舉世樂淫而不加防耶。若輩有恬不以爲罪者。有明知爲罪不能自禁者。其間或以勢逼。或以利餌。或以情誘。只顧淫歡。不顧陰騭之立喪。良可悲已。至如僕婦之侍側。乳婢之近幄。徃淫至便也。而喪厥陰騭。較尋常不減毫末。又如尼姑之紫居。寡婦之孤宿。勾淫至易也。而喪彼陰騭。較尋常更加三等。他如貪迷娼妓。狎弄狡童。棄賤類之瘡毒。乖人道之常理。穢淫也。而敗德不淺。

陰騭文像註

卷二

勿淫人之

交

育德堂

之慾竇。導淫也。而口業尤深。凡此淫行。皆天怒不可觸者。可勿防歟。防之者何。視其面。應比我姊之梳妝。我妹之修飾。而淫心爲之一消。接其語。應思我父之臨上。我母之來前。而淫心爲之一息。就其身。應想竈神之申奏。三尸神之奔告。而淫心爲之一盡。灰兼之邪徑。弗由。褻語勿述。則不惟無罪。而陰騭無涯也。然此就未犯者言之耳。若素犯淫行。又有速悔之法在。昔賢云。天道禍淫。不加悔罪之人。從此見色力拒。見善力行。久之而色惡抵贖。善量克滿。卽可以轉禍爲福也。夫。

施愚山輯解曰。淫之作業甚矣。今舉世習不爲怪者。則挾妓姦婢二事。可爲心痛。夫昵狎邪色。謂風流雅事。旣酬以金。淫不爲害。且無論破家損德。能保妓不孕乎。孕而產。則已之子女娼矣。至臧獲婦女。多被凌逼。與主人薦枕席。以爲分固應耳。試思此輩皆良民。或以貧鬻身。得金無幾。或因宦勢投充。未得身價。旣役其身。又亂其妻女。作何消受。及亂而生子。則淪主爲僕。使其男事已之子。是兄弟相主僕也。萬一生女有色。已復亂之。是父姦其女也。已之子侄復亂之。是兄弟姊妹相姦也。聚麀宣淫。陰騭文像註。卷三。勿淫人之。堯 育德堂。廉恥一喪。後遂不可窮詰。嗟乎。今有人於此。罵其子女爲倡優臧獲者。必怫然怒。攘臂而起矣。以淫色故。乃使祖父相承之血脉。自我而亂。或淪爲娼。降爲僕隸。寔然不自知也。豈不傷哉。又况淫爲禍首。發將無已。或狎比狡童。多致內亂。吾願後之人。刻骨誓肌。共圖澆濯也。





陰陽文像註


卷二

勿淫人之

卞

育德堂

唐公臯幼時讀書窗下有女調之將紙窗搗破公補  
訖題詩云搗破紙窗容易補損人陰陽最難脩一夕  
有僧過其門見一狀元匾左右懸二燈書所題二句  
異而詰問後果大魁天下。



陸隴文像註

卷三

勿淫人之

主

育德堂

太倉陸容。天順二年。應試南京。館人有女。善吹簫。夜  
奔公寢。公給以疾。與期後夜。女退。遂作詩曰。風清月  
白夜窗虛。有女來窺笑。讀書欲把琴。心通一語。十年  
前已薄。相如。遲明托故去。是秋中式。先期。公父夢郡  
守送一匾。題月白風清四字。公成進士。官參政。





陰陽文像註

卷三

勿淫人之

主

育德堂

如臯冒起宗爲諸生時。輒莊誦感應篇。戊午入闈。病甚昏憤中。不知何處下筆。及登鄉薦。赴督學親供。見墨卷字。端楷如常。疑有神助。已未下第歸。發願增註此經。因念好色損德尤甚。於見他色美二句下。備列報應。以戒世人。時塾師羅憲岳助寫。後憲岳歸南昌。戊辰正月。夢道服者三人。一老翁中立。一少年左右侍。老翁手持一册。左顧曰。爾誦來。羅竊聽。愕然曰。此冒公感應篇。見他色美下註語也。誦畢。老人曰。該中復右顧曰。爾咏詩。即咏曰。貪將折桂廣寒宮。那信三千色是空。看破世八迷。喝起楞花。一到滄城紅。羅配。







唐李登年十八爲鄉貢首。後年至五十四。屢不第。詣葉靖法師。乞入冥勘之。師曰。蜀梓潼有神。掌文昌職。貢舉司祿。吾當爲汝叩之。一日上章謁問。神命一吏示籍曰。李登初生時。上帝賜玉印。十八歲魁鄉薦。十九作狀元。五十三作右相。緣得舉後。窺隣女張燕娘。事雖未諧。而繫其父張澄於獄。以此罪展十年。降第二甲。二十八歲得舉。後侵奪兄李豐屋基。至形於訟。又展十年。降第三甲。三十八歲得舉。後長安邸中淫一良人婦鄭氏。又展十年。降第四甲。四十八歲得舉。後盜隣女王慶娘。已削其籍。師還告登。登愧恨死。

公高惡淫為自誤



自行孝居九

陰騭文像註 卷三 勿淫人之 壹 育德堂

崇禎間福建呂清號子介太學生好談閨闈述淫褻事每見婦女便魂搖心蕩偷視不已幸邪緣未奏尚無外遇年三十二子相繼夭度日窘甚一夕暴亡伊祖父度之疾走清問何往其祖怒曰我們兩世好容易積的陰騭到你身應發巨萬財成望族誰料你心愛色口造孽次第將福折盡終日報怨窮豈知暗折去萬金乎終日想二子哭豈知自受罰折死乎我們恐你慾心難制再作出一件真淫行事就斷送了後裔不得已哀懇冥王自己拘你到冥府一看便曉得淫人妻女的利害了清曰聞淫人妻女應絕嗣我實



怕此。未嘗犯也。時真吏在傍。呪曰。寧止絕嗣哉。如色來勾你。就之不辭。乃僅使絕嗣。若設心引誘。用勢逼迫。有一犯屢犯。甚至悖倫者。亦有到手後。伊自戕其夫。自墮其胎者。此何等罪。寧止絕嗣哉。要知淫惡。陽律寬。而陰律最嚴。凡衆生有淫惡一事。三尸神舉首竈君城隍申奏。隱漏卽有大過。但報應有輕重遲速之異耳。如不信。今日發落淫惡人數起。你眼見便知。

少頃。吏入府。冥王陞殿。

鬼卒帶衆淫犯。荷枷跪下。冥王厲聲吩咐曰。某人變乞丐。某人變娼妓。眼瞎。

某人兩世爲牛。某人十世爲猪。俱令鬼卒押出投胎。

陰陽文像註

卷三

勿淫人之  
美 育德堂

吏隨後亦出。清毛骨悚然。吏曰。更有慘於此者。汝勿貪半刻歡娛。失却人身也。其祖父冤吏代稟冥王。放清還。清請教吏曰。我欲改過。恨遲。若要改。從何處脩起。吏曰。一息尚存。彌天之罪。俱可懺悔。汝今避色。當如避箭。口業更爲口德。子息不難育。家道不難興。此段話。傳播人間。過人淫念。冥王亦不加譴也。揮使去。清醒後。刻遊冥錄一篇。印萬張。施警世。婦女再不一盼。淫褻再不一談。日將不淫善報。犯淫惡報。時刻逢人講論。因而相戒者衆。又恰遇冷容來奔。峻拒躲去。年近四十。連生二子。貌與前亡子宛肖。家稍康。借族。

人貲本。往來商販江浙間。每次獲厚利。不十年起家  
萬金。語其妻曰。祖父陰騭。今喜全復。我欲往南海朝  
菩薩。以完心願。去半載。寄書與妻曰。已入深山修道  
不復惹塵世孽緣也。有同里蔡菁誌。

陰騭文像註

卷三

勿淫人之

老

育德堂



勿咬人之爭訟

箋註爭禍端也。訟。凶事也。咬之何忍。諺云。一字入公門。九牛拔不出。又云。贏得貓兒輸個牛。而咬人之輩。非起於怨。卽起於貪。陷人而自快其忿。愚人而私利其財。小則費盡家產。大則坑死性命。惡孽莫逾於此。惟正人君子。見人負氣時。一言點破。苦言勸開。其造福爲無窮矣夫。

憨道人息訟詞

衆生禍事惟訟。發念皆由性縱。遇人憤氣欲鳴。勸之慎勿輕動。但云一紙入官。便受奸人愚弄。守候陰騰文像註。卷三。勿咬人之夫。育德堂

不能回家。就延不能耕種。妻孥急得神昏。父母焦得腸痛。產業由此消亡。性命由此斷送。况且人壽無多。轉眼一場春夢。遲威遲智。奚爲報怨報讐。何用說到入理入情。自然喚醒。悽悽。俾伊轉意回頭。此際陰功可頌。



陰騭文像註

卷三

勿峻人之

堯

育德堂

永福縣。薛敷。工刀筆。每代人寫詞狀。翻亂是非。由是積有中人產。一日請道士鄭法林設醮。法林伏壇下。良久起。言表尾批云。家付火司。人付水司。不知何故。迫旬月。室中無故失火。家財燒盡。數挾巧筆。欲過江。中流桅折。擊身墜江而死。



戴君實嘉興楓涇人以峻訟致富其婿孔揚名習其術而險過之一日翁婿倚門前柳以謀訟事柳忽發牛吼聲作人言曰尚未可已乎受爾害者幾百人矣脩功且不足以補過乃怙終而不知止乎翁婿大恐皆病尋愈又不悛次年兵亂入境君實傷餘死揚名妻被掠去衆軍輪汗縛揚名於樹廼射殺之。



